

志學集

〈志學〉

多年守志獨懷珍，鄰里詼嘲問俸薪。聖道無分身貴賤，文星不計我清貧。
友生氣節能超俗，儒士風標更絕倫。剪落卑枝成秀木，修心習業近賢仁。

〈重遊高中校園〉

鳳凰花謝幾回秋，零落殘紅滿故樓。朱漆新亭無復舊，蒼黃老樹亦成丘。
文庠久別添情怯，師友相迎減客愁。留有晤談歡笑語，遙思聚首日長悠。

〈聞豐原高中事件有感〉

豐原高中一學生受校園霸凌，求救無門，於學校灑白包，若天
降飛雪，其後自戕身亡。有感於此事，以詩記之。

多少欺侵自校園，搜身橫霸越頻繁。時非六月何來雪，情比竇娥疑有冤。
太息旁觀無愧恥，可憐掙扎苦窮源。心寒此事催人死，亙古難捱是謗言。

〈清明與祖父至靈骨塔祭先父〉

雨打梨花落碧池，清明路上冷風吹。爺孫攜手蹣跚影，消逝安眠少壯時。
最是人間悲世事，不堪白髮送青絲。罈前細看人延佇，只怕多言老淚垂。

〈遊觀夕平台〉

日薄殘紅染晚秋，波濤遠處泊輕舟。安平古塔燈依舊，西岸新堤水自流。
萬載斜陽沉碧海，千年卵石化沙洲。東方月起人皆去，惟見天邊一對鷗。

〈海畔與友人相約〉

秋深天霽朗，浪湧忘聽松。赴約慌心緒，矜持作斂容。銀河空喜鵲，缺月

獨情鍾。看盡流星滅，清晨玉露濃。

〈春日喜雨二首〉

其一

未待驚雷落，隆冬轉早乾。瑤芳枝上綻，落霞檻前觀。雨至方安枕，風來獨倚欄。紛紛敲屋瓦，始覺是春寒。

其二

滿院春光鬧，花開繞室馨。雲生天近樹，燕舞雨淋鈴。料峭風微冷，空濛曲漸停。多情如蔓草，更遠更青青。

〈寓意二首〉

其一

狐貂自有處，安逸棲深林。身負毛皮暖，嚴寒不可侵。綺紋人競買，獵者遂追擒。籠中養厚實，生剝作衣衿。方喜歸天地，卻作哀嚎音。可憐此困獸，不願為珍禽。

其二

遙想自由時，立崖臨狂風。俯身似奔星，盤旋身如功。懷有凌霄志，無奈困玉籠。日夜多悲啼，哀戚思未窮。凝睇青天高，徒有羨飛鴻。風動欲展翅，借勢破蒼空。

〈詠蘭花〉

月華入空林，蘭澤幽且妍。靜處深谷中，花好葉連娟。不求晨輝映，高木何須攀。無賞猶孤芳，超然態高閑。悄開復搖落，獨愛自有賢。風姿人歌詠，佳名至今傳。

〈暮春郊外踏青〉

近來春光好，縱情登幽壑。乘車快哉風，何須謝公屐。野徑抱山轉，澗草埋人跡。黃花半飄零，蕭蕭驚飛鷗。滿地葉堆積，不敢深著腳。林中空餘音，今我原是客。忽見青嶂近，人亭兩相隔。笑指名醉翁，對視皆欣樂。時過日悄移，絢爛紛照灼。道中嵐霧生，不見遠城郭。群雁相與還，此去東風弱。回首來時路，離別情脈脈。

〈傷烏俄戰爭〉

年少不知干戈苦，削竹成劍共遊嬉。初識書中興亡事，偏慕英雄成名時。
韋編復看方知意，偶來熟讀古人詩。山河常在朝易改，故國悠悠黍離悲。
烏俄鋒鏑猶未休，骨肉難聚恨別離。驍勇將士多戰死，縱有捷報仍不歸。
可憐白骨重疊疊，僅此君王掌中棋。昔有哭聲撼長城，如今可否退兵師？

〈觀兒童拐賣新聞有感〉

廣廈似繁華，浮世盈盜賊。無情賣孩提，蹤跡暗隱匿。慈膝苦追尋，豈知
何處覓。滄海撈一粟，焦急困無力。登報跪哀求，縱此猶未得。望眼三十
載，夜裡空反側。漂泊此生涯，愛深幾曾熄。赤心動天地，聞訊難自抑。
欲將抱懷中，對面卻不識。兒向買家恩，已無幼時憶。哀哀父母心，悲慟
聲聲泣。嘆息命多舛，使人長戚戚。

〈詠蘇軾〉

閒時遙想詩中景，赤壁滾滾長江流。烏臺群鴉斂翅集，皎潔明月落渠溝。
年少成名師避讓，新舊黨爭作羈囚。躬耕東坡意適然，破繭突圍在黃州。
安居此生是蜉蝣，天渺飛鴻一葉舟。萬般青塚作塵煙，汗青千古盡風流。